

凡注凡直是以星直之裔或爲讚岐直或爲凡直方今聖朝仁均雲雨惠及昆岐當此明時冀照覆瓮請因先祖之業賜讚岐之姓勅千繼等戶二十一烟依請賜之

〔三代實錄五貞觀三年八月十九日庚申左京人散位外從五位下伴大田宿禰常雄賜伴宿禰姓先是正三位行中納言兼民部卿皇太后宮大夫伴宿禰善男等奏言常雄欵備謹稽家牒伴大田宿禰同

祖金村大連公第三男狹手彥之後也狹手彥宣化天皇世奉使任那征新羅復任那兼助百濟欽明天皇時百濟以高麗之寇遣使乞救狹手彥復爲大將軍伐高麗其王踰牆而遁乘勝入宮盡得珍寶貨賂以獻之珠數天皇○敏世還來獻高麗之囚今山城國狹手彥再使海外征伐兩國盡力絕域復立二國身尊當時功流後代但古人朴質除兩國盡力非私皆賜別姓是以子孫不得大部別賜大田宿禰而狹手彥之弟阿被○被一作彼布古承父爲大部連公自斯而後恐子孫之不廣無復更賜別姓今阿彼布古之後歷代尊顯而狹手彥之後舉朱絨者曠世無聞一祖之枝榮枯殊隔沈淪之歎告訴无止常雄幸逢昌泰新參花穀門蔭中興寔爲榮慶刊大田兩字同歸於一宗然則外不辱功臣之序內方敦孔懷之親善男等伏檢家記所陳不虛請刊彼兩字直賜宿禰控其末派入此本源從之

〔古今萬姓統譜百四十〕諸方複姓

朝臣 日本國使人

唐

朝臣真人 長安中拜司膳卿同正副使

朝臣大父 拜率更令同正

〔異稱日本傳中三〕今按朝臣爲複姓是也本朝天武天皇以來賜八姓朝臣其一也詳見日本紀古語拾遺姓氏錄謂朝臣日本國使人者非也粟田朝臣真人使於唐故率爾云然宜參考引唐書下大父當作大夫後漢書曰使人自稱大夫是也